

GELGIA: tor cotschna

Tge vista per rumager la neiv

G.N.S. Acziun spectaculara l'emda passada sensom igl Pass digl Gelgia. Tgi la tor cotschna tgi Giovanni Netzer ò laschea construer la stad passada atteira mintga de igl interess da tots chels tgi von e vignan sur igl pass è aint igl frataimp ancunaschaint. I dat betg en de sainza tgi ena rotscha automobilists sa ferman per dar en tgit ainten la tor. L'emda passada è en de alloura crudo an igl a tots chels tgi on traverso igl pass tranter las 15.00 e las 17.00, tgi tiers l'ora da bellezza navevigl e chegl giu digl tetg dalla tor. Schi tge è succedia? Cun dar er sen Gelgia pulit neiv, era igl tetg dalla tor sot ena cuverta da neiv e chegl anfignen sensom la palantschela cun en'otezza da passa 1.20 meters. An vista

tgi dat anc duple neiv ins ò sen cun-segl digl architect dalla tor Walter Bieler, decida da rumager la neiv digl tetg dalla tor cun en'otezza da 30 meters. Per far chegl ins ò fatg adiever d'ena fresa dalla Garascha Carisch da Savognin. Eneda tgi chella è stada sen Gelgia ò en helicopter dulzo ella digl plaz davant la tor segl tetg, uscheia tgi è sto pussebel da rumager la neiv. Fatg ò chegl Tomi Jacomella da Beiva. El ò luvro blers onns segl antier mond tar la firma Garaventa SA. Cun adegna esser sen tot las otezzas digls masts da runals e pendicularas è el sainza sturnez ed ò pudia galdeir la lavour unica agl pe digl Piz Poleschin e la vista magnifica sen las muntognas.



Cun ena fresa è neida rumageda la neiv segl tetg dalla tor cotschna sen Gelgia.



En maletg singular cun veir la neiv a crudar siva la fatscheda dalla tor giu.

Fotos Gion Nutegn Stgier

SKI ALPIN: slalom gigant

Clera victorgia

G.N.S. Ulteriour success per Seraina Jegher. A Malbun (FL) gudogna ella igl slalom gigant dall'interregiun ost e chegl cler. Per eneda betg segl podest sto Silvano Gini cugl sies 4. plaz.



Seraina Jegher è igl mument an furmà e vo da success a success segls skis.

Aint igl Principadi da Liechtenstein è sa mura l'elita da skis dalla Svizra orientala da anfignen 16 onns. Segl program è sto en slalom gigant e chegl cun relaziuns optimalas. Ormai èl er ia ainten chella cursa a Seraina Jegher, la matta da Tinizong, tgi stat an Purten Sen camp cantunal è ella igl mument la prima skiuza da 16 onns e scu para tigna Seraina Jegher er pitg alla concurrenza surregiunala dall'annada 2002. Chegl conferma igl sies success dalla davosa fegn d'emda aint igl slalom gigant da Malbun, tgi chinta pigl classament general dalla coppa interregiunala. Seraina Jegher ò gudagena la cursa cun en avantatg da 1.33 secundas sen Selina Gadiant, la skiuza digl cantun Son Giagl. Terza è neida Nadia Langenegger dad Ullisbach (SG). Sen la victoria toura Seraina Jegher perda ella gio prestada secunda a mez. Ena buna cursa è er reusch da a Flurina Carisch da Savognin cugl 13. post.

Nign plaz da podest ògl per eneda do per Silvano Gini, igl Bivian tgi stat an Nagiadegna. Cugl sies 4. plaz ò el bagn mantganto angal per da far la medaglia da bronz, dantant cun il post da podest è uscheia sto navot. Per en success grischun ò plaschevlamaintg procurò Aaron Mayer da St. Antönien en oter. Igl skiuza da 16 onns è sto per 42 tschentavels pi svel Matteo Zäch, tgi è partia pigl Club da Gams (SG). Nicolas Fontaine digl cantun Giagl perda scu terz gio ena secunda segl tour grischun.